



Infurmaziuns dalla suprastanza digl cumeegn Albula/Alvra:

### **Settember / Otgover 2019**

- La suprastanza ò approvo diversas dumondas da biagier.
- La suprastanza ò approvo la charta da project davart igl project digl viaduct dalla Landwasser. Ella sustigna cotras igl mantignamaint ed igl evenimaint digl patrimoni mundial dalla Veidafier retica ed igl parc natural, Parc Ela, scu er igl svilup persistent dalla regiun.
- Sa basond agl preventiv 2020 dall'interpresa responsabla pigl provedimaint d'energeia EVU/IPE Albula/Alvra, ò la suprastanza approvo e delibero las tariffas d'electricitad per igl 2020. Las tariffas èn publitgeidas sen la pagina d'internet digl cumeegn Albula/Alvra ([www.albula-alvra.ch](http://www.albula-alvra.ch)).
- La suprastanza ò surdo las lavours da construcziun bassa per la renovaziun dalla Voia Pro la Fiera a Alvagni alla firma Ardüser, interpresa da biagier SA, Alvagni, e las lavours da cuvreida alla firma Mettler Prader SA, Coira.
- L'incumbensa per l'execuziun dallas lavours da construcziun bassa agl rom dalla sanaziun dalla Veia Purgiera a Stierva, è neida surdada alla firma Beni & Co. SA, Tusang, e las lavours da cuvreida alla Mettler Prader SA, Coira.
- Per mangs dalla radunanza communal, ò la suprastanza delibero en credit supplementar an import da CHF 300'000.00 per l'amplificaziun digl concept da pastgiras e bavradoirs ad Alvagni. Las investiziuns totalas digl concept da pastgiras e bavradoirs s'augmaintan uscheia sen CHF 875'000.00 ed igls costs totals restonts a gravezza digl cumeegn Albula/Alvra sen CHF 370'600.00.
- Igl concept da pastgiras e bavradoirs da Surava è nia examinò minuziousamaintg ed approvo dalla suprastanza. Igl credit necessari per la realisaziun digl project an import da CHF 330'000.00, è nia delibero per mangs dalla radunanza communal.
- Cun l'execuziun dallas lavours da reparatura ainten l'Alvra, segl sectour dalla sere-nera Albula a Surava, è neida incumbensada la firma Ardüser, interpresa da biagier SA, Alvagni. Las maseiras urgentas servan agl schurmetg dall'infrastructura dalla sere-nera Albula per cass dad avas grondas vegnentas. Igl Uffezi da construcziun bassa idraulica, sustigna chellas maseiras cun contribuziuns an import da 55 %.
- Per saveir cuntinuar cun igl shuttles-per-5 francs dalla Taxi Rothorn GmbH a Lai, ò la suprastanza delibero mintgamai en credit da CHF 5'000.00 per la staschung d'anviern 2019/2020 e per la staschung da stad 2020.
- La suprastanza ò delibero ena contribuziun annuala da CHF 6'000.00 pigls proxims treis onns alla Proffix Swiss Bike Cups a Savognin.

- La glista da tractandas ed igl messadi per la radunanza communal da digls 23 d'otgover 2019, è neida approvada e deliberada. Igl rendachint final per la sanaziun dallas lengias d'ovra ve dalla Veia da Gelgia a Casti, è nia piglia per cunaschientscha.
- La suprastanza è surdo l'incumbensa per la furniziun digl indrez da tensiun media TS Alvagni e digl indrez da tensiun media TS Palottas a Brienz/Brinzauls alla firma Siemens Schweiz SA, Turitg. Cun l'execuziun dallas lavours da montascha electricas, è neida incumbensada la firma ERAG Netzbau SA da Panadoz.
- Sa basond agl art. 27 alinea 3 dalla lescha da pulizeia, è la suprastanza decida en scumond da fis artificials a Silvester. Ena publicaziun correspondententa suonda a taimp inditgia.
- Igl preventiv digl cumegn Albula/Alvra è nia delibero per mangs dalla radunanza communal da digls 12 da december 2020. Igl preventiv, ansemen cun l'invitaziun alla radunanza communal, vign tarmess agls votantsAs.
- Agl rom dalla realisaziun digl project «survigilaziun e preavertimaint 2019-2024», Brienz/Brinzauls, è nia approvo en credit da CHF 57'100.00 per l'amplificaziun digl sistem da survigilaziun existent cun treis ulteriouras staziuns da misiraziun. L'incumbensa è neida surdada alla firma Grünenfelder e Partner SA, Domat. L'amplificaziun digl sistem da survigilaziun existent è ena part integrala digl credit brut da CHF 910'000.00 tgi la radunanza communal è gio approvo.
- Brienz/Brinzauls «bova da Brinzauls»: Pigl project parzial (sanaziun) – evaluaziun/studi preliminar da variantas da sanaziun, è la suprastanza concedia en credit brut an import da CHF 126'000.00. Per la realisaziun da l'amprema, da treis fasas è nia delibero en import da CHF 16'000.00.
- La cabina da distribuziun «Gonda» ad Alvagni stò neir ramplazzada per muteivs da sierezza. La furniziun dalla cabina da distribuziun succeda antras la firma F. Borner SA, Reiden. Las lavours da montascha electricas vignan exequeidas dalla firma Elektro Putzi GmbH, Surava, e las lavours d'impressari dalla firma Centorame SA, Ferrera.
- La suprastanza è piglia cunaschientscha digl project «PRE Parc Ela-Trek».
- La suprastanza è piglia cunaschientscha dalla construcziun d'ena reit da schurmetg cunter crappa fatga antras la Veiadafier retica segl territori da «Crap da Lavarettas» agl Bogn d'Alvagni. An chest connex è l' nia examinò ed appovo igl dispositiv da siertad.
- Per l'elaboraziun d'en concept d'examinaziun «Rutschung Berg», a Brienz/Brinzauls, è la suprastanza approvo en credit da CHF 21'000.00. Cun l'elaboraziun digl concept vign incumbensada la firma BTG SA a Coira.

## **Infurmaziuns dalla radunanza communal da digls 23 d'otgover 2019**

- Igl votantAs on approvo en credit supplementar an import da CHF 300'000.00 (incl. TPV) per l'amplificaziun digl concept da pastgiras e bavradoirs ad Alvagni. Las contribuziuns dalla confederaziun e digl cantun montan CHF 131'300.00. Pigl cumegn Albula/Alvra restan costs restants da CHF 168'700.00.
- Pigl concept da pastgiras e bavradoirs a Surava è nia concedia en credit da CHF 330'000.00 (incl. TPV). Cun chest project approvo duessan las pastgiras communalas neir sclareidas e per chellas pastgiras tgi on nign access ad ava currenta, duessan neir erigias novs bavradoirs.
- Igl rendachint annual 2018 digl cumegn Albula/Alvra è nia approvo e delibero sen proposta dalla cumischung da gestiun. Igl chint current 2018 sera cun en retgav total da CHF 15'058'366.79 e costs totals da CHF 14'595'922.88 cun en surple d'antradas da CHF 464'443.91. Igl chint d'investiziun 2018 sera cun expensas da CHF 4'567'113.55 ed antradas da CHF 1'766'296.00 cun investiziuns nettas da CHF 2'800'817.55.
- Igl votantAs on piglia cunaschientscha digl rendachint final dalla «sanaziun dalla Veia da Gelgia» a Casti, tgi ò savia neir saro giu cun expensas da CHF 198'591.85 e sotpasso uscheia igl credit lubia da CHF 275'000.00 per 27.78 %.

La suprastanza communal